



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ზღარბა



ზღარბა (*Acantholimon*), მცენარეთა გვარი ტყვიაბალახისებრთა ოჯახისა. ეკლიანი, ხშირად ბალიშისებრი ბუჩქები ან ნახევრად ბუჩქებია. აქვთ ხაზურ-ლანცეტა მჩხვლეთავი ფოთლები და ყვავილედებად შერეული დიდი, მენამული ან ვარდისფერი ყვავილები. 150-მდე სახეობა გავრცელებულია სამხრ. საბერძნეთიდან ცენტრ. აზიამდე. საქართველოში ამ გვარის 4 სახეობაა,

მათგან 2 (*A. fominii*, *A. lepturoides*) კავკასიის ენდემია. იზრდება მთის შუა, სუბალპ. და ალპ. სარტყლების მშრალ, ქვიან ფერდობებზე ჯავახეთში, გარე კახეთში, ქიზიყში, ქართლსა და მესხეთში.

ლ. ხინთიბიძე
